

O IZMJENI ZAKONA O PRIVATIZACIJI PREDUZEĆA U BRČKO DISTRIKTU BOSNE I HERCEGOVINE

Član 1

U Zakonu o privatizaciji preduzeća u Brčko distriktu Bosne i Hercegovine ("Službeni glasnik Brčko distrikta BiH", brojevi: 8/04 i 19/07) u članu 14 stavu 1 i članu 19 stavu 1 tački 3 riječi: "ured za privatizaciju" u različitim padežima, zamjenjuje se riječima: "kancelarija za upravljanje javnom imovinom" u odgovarajućim padežima.

Član 2

Ovaj zakon stupa na snagu 8. (osmog) dana od dana objavljivanja u "Službenom glasniku Brčko distrikta Bosne i Hercegovine".

ZAKON O IZMJENI ZAKONA O TREZORU BRČKO DISTRIKTA BiH

Član 1

U Zakonu o Trezoru Brčko distrikta BiH ("Službeni glasnik Brčko distrikta BiH", brojevi: 3/07 i 19/07) u članu 25 riječi: "uz prethodnu saglasnost direktora" zamjenjuju se riječju: "direktor" a riječ: "gradonačelnik" se briše.

Član 2

Ovaj zakon stupa na snagu 8. (osmog) dana od dana objavljivanja u "Službenom glasniku Brčko distrikta BiH".

ZAKON O IZMJENI ZAKONA O VLADI BRČKO DISTRIKTA BOSNE I HERCEGOVINE

Član 1

U Zakonu o Vladi Brčko distrikta Bosne i Hercegovine ("Službeni glasnik Brčko distrikta Bosne i Hercegovine", broj: 19/07) u članu 22 iza riječi: "kada je to zakonom" dodaju se riječi: "ili drugim propisom".

Član 2

Ovaj zakon stupa na snagu 8. (osmog) dana od dana objavljivanja u "Službenom glasniku Brčko distrikta BiH".

ZAKON O IZMJENI ZAKONA O ZDRAVSTVENOJ ZAŠTITI U BRČKO DISTRIKTU BOSNE I HERCEGOVINE

Član 1

U Zakonu o zdravstvenoj zaštiti u Brčko distriktu Bosne i Hercegovine ("Službeni glasnik Brčko distrikta BiH", brojevi: 2/01 i 19/07) u članu 112 stavu 3 riječi: "Javno tužilaštvo" zamjenjuju se riječima: "Tužilaštvo Distrikta".

Član 2

Ovaj zakon stupa na snagu 8. (osmog) dana od dana objavljivanja u "Službenom glasniku Brčko distrikta BiH".

ZAKON O IZMJENI ZAKONA O ZDRAVSTVENOM OSIGURANJU U BRČKO DISTRIKTU BOSNE I HERCEGOVINE

Član 1

U Zakonu o zdravstvenom osiguranju u Brčko distriktu Bosne i Hercegovine ("Službeni glasnik Brčko distrikta BiH", brojevi: 1/02, 7/02 i 19/07), u članu 13 riječi: "javna sigurnost" se brišu.

Član 2

Ovaj zakon stupa na snagu 8. (osmog) dana od dana objavljivanja u "Službenom glasniku Brčko distrikta Bosne i Hercegovine".

ZAKON O STAVLJANJU VAN SNAGE ZAKONA O IZMIRENJU OBAVEZA PO OSNOVU STARE DEVIZNE ŠTEDNJE

Član 1

Zakon o izmirenju obaveza po osnovu stare devizne štednje ("Službeni glasnik Brčko distrikta BiH", brojevi: 27/04 i 19/07) stavlja se van snage.

Član 2

Ovaj zakon stupa na snagu 8. (osmog) dana od dana objavljivanja u "Službenom glasniku Brčko distrikta BiH".

20

Vlada Brčko Distrikta Bosne i Hercegovine, na osnovu člana 52. i 53. Statuta Brčko Distrikta BiH («Službeni glasnik Brčko Distrikta BiH», broj: 3/07), člana 11. stava (3) Zakona o Vladi Brčko Distrikta BiH («Službeni glasnik Brčko Distrikta BiH», broj: 19/07, 36/07 i 38/07), u smislu člana 41. Zakona o javnoj imovini Brčko Distrikta BiH («Službeni glasnik Brčko Distrikta BiH», broj: 28/06), na Prijedlog Ureda za upravljanje javnom imovinom Brčko Distrikta BiH, broj: 16-30-001525/08 od 14.01.2008. godine, na 63. Redovnoj sjednici održanoj 09. i 14. 01. 2008. godine, d o n o s i

P R A V I L N I K O POSTUPKU STICANJA IMOVINE U KORIST BRČKO DISTRIKTA BOSNE I HERCEGOVINE

GLAVA I. - OPĆE ODREDBE

Član 1.

(Predmet)

Pravilnik o postupku sticanja imovine u korist Brčko Distrikta BiH (u daljnjem tekstu: Pravilnik), reguliše postupak sticanja imovine putem kupovine nekretnina, darovanja ili drugim načinom prenosa imovine u korist Brčko Distrikta BiH (u daljnjem tekstu: Distrikt), osim u slučajevima gdje je započet postupak eksproprijacije.

Član 2.

(Nadležnost za provođenje postupka za sticanje imovine)

Postupak sticanja imovine provodi Ured za upravljanje javnom imovinom Vlade Brčko Distrikta BiH (u daljnjem tekstu: Ured).

Član 3.

(Postupak sticanja)

- (1) Ured provodi postupak sticanja imovine na zahtjev vlasnika nekretnine ili organa javne uprave Distrikta.
- (2) Postupak sticanja se može provesti samo u slučajevima kada je odlukom Skupštine Brčko Distrikta BiH utvrđen javni interes za sticanje ili kada je prostorno-planskim aktom utvrđena namjena nekretnina i postoji potreba privođenja zemljišta planiranoj namjeni.

GLAVA II. - STICANJE BEZ NAKNADE

Član 4.

(Postupak sticanja imovine bez naknade)

- (3) Postupak sticanja imovine bez naknade pokreće se zahtjevom vlasnika nekretnine.
- (4) Po prijemu zahtjeva Ured podnosi zahtjev za dostavu izvoda iz planskog akta Odjeljenju za prostorno planiranje i imovinsko-pravne poslove.
- (5) Odjeljenje iz stava (2) ovog člana je dužno u roku od 30 dana dostaviti traženi izvod Uredu.
- (6) Po dobijanju izvoda iz stava (2) ovog člana Ured pribavlja mišljenje o potrebi sticanja nekretnine od nadležnog organa javne uprave (u daljnjem tekstu: nadležni organ).
- (7) Nadležni organ daje mišljenje u zavisnosti od namjene korištenja nekretnine.
- (8) Nadležni organ dužan je u roku od 15 dana dostaviti mišljenje Uredu.